

Broj: 07-11-16-51-28/20
Sarajevo, 02. 09. 2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 07-11-16-51-2/20 od 24.04.2020. godine, direktor Federalnog zavoda za geologiju,
d o n o s i

O D L U K U

o izboru najpovoljnijeg ponuđača za javnu nabavku roba

„Računarska oprema za pokretanje Petrel E&P software Platform, softvera za istraživanje i eksploataciju nafte i plina“ za potrebe Federalnog zavoda za geologiju

I

U cilju odabira najpovoljnijeg ponuđača, u provedenom postupku javne nabavke - Konkurentski zahtjev za dostavu ponuda za javnu nabavku roba – Računarska oprema za pokretanje Petrel E&P software Platform, softvera za istraživanje i eksploataciju nafte i plina za potrebe Federalnog zavoda za geologiju, evidencijski broj nabavke: 07-11-16-51/20 od 15.01.2020. godine, broj obavještenja o nabavci sa Portala javnih nabavki: 288-7-1-33-3-1/20 od 04.05.2020. godine, kao drugorangirana ocijenjena prihvatljiva ponuda nakon provedene e-Aukcije je ponuda ponuđača **Kamer Commerce d.o.o. Sarajevo**, broj: 718/20 od 18.05.2020. godine, sa konačnom cijenom ponude u ukupnom iznosu od **34.000,00 KM** bez PDV-a.

II

Po isteku roka za žalbu, odnosno po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu javnu nabavku shodno uslovima iz tenderske dokumentacije i zakonskim propisima koji regulišu postupke ugovaranja.

III

Ovom odlukom stavlja se van snage odluka broj: 07-11-16-51-18/20 od 17.06.2020. godine.

IV

Ova Odluka stupa na snagu danom donošenja i objavit će se na web stranici Zavoda, www.fzgz.gov.ba, u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke po Konkurentskom zahtjevu za dostavljanje ponuda - Računarska oprema za pokretanje Petrel E&P software Platform, softvera za istraživanje i eksploataciju nafte i plina za potrebe Federalnog zavoda za geologiju, pokrenut je Odlukom o pokretanju postupka javne nabavke roba broj: 07-11-16-51/20 od 15.01.2020. godine, u skladu sa članom 18. stav (1) Zakona o javnim nabavkama BiH. Procijenjena vrijednosti javne nabavke bez PDV-a je 38.000,00 KM.

Obavijest o nabavci broj: 288-7-1-33-3-1/20 objavljena je na Portalu javnih nabavki Agencije za javne nabavke dana 04.05.2020. godine i sva komunikacija sa ponuđačima obavljala se u formi i na način definisan u sistemu e-nabavke.

Poziv za preuzimanje tenderske dokumentacije u sistemu „E-nabavke“ i dostavu ponude prosljeđen je slijedećim ponuđačima (istovremeno sa slanjem obavijesti na Portal javnih nabavki i objavom tenderske dokumentacije na Portalu javnih nabavki):

1. Konica Minolta poslovna rješenja d.o.o Sarajevo
2. MPS d.o.o Sarajevo
3. Kamer Commerce d.o.o Sarajevo

Tendersku dokumentaciju (objavljenu na Portalu javnih nabavki 04.05.2020.g.) preuzeo je 21 (dvadesetjedan) ponuđač.

Rok za dostavu ponuda bio je 19.05.2020. godine do 12,00 sati.

Dana 17.06.2020. godine, Komisija za javne nabavke direktoru Zavoda je dostavila Zapisnik o pregledu i ocjeni ponuda, te je u postupku analize Zapisnika utvrđeno da je Komisija blagovremeno i pravilno provela postupak predmetne nabavke, odnosno izvršila otvaranje, pregled i ocjenu pristiglih ponuda, o čemu je sačinila zapisnike, te konstatovala slijedeće:

- da su blagovremeno pristigle ukupno 2 (dvije) ponude;
- da nema neblagovremenih ponuda;
- da su ponude ponuđača: Kamer Commerce d.o.o Sarajevo i Nexis d.o.o Sarajevo i prihvatljive i da ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Nakon izvršenog pregleda i ocjene ponuda zakazana je e-Aukcija dana 15.06.2020. godine u 13:00 sati. Ponuđač: Nexis d.o.o Sarajevo ponudio je najnižu cijenu na e-Aukciji.

Nakon provedene e-Aukcije Komisija je dostavila direktoru Zavoda Zapisnik o pregledu i ocjeni ponuda, sa preporukom o izboru najpovoljnijeg ponuđača Nexis d.o.o Sarajevo, IDB/JIB: 4202629310009, Mehe Smailagića 76, 71000 Sarajevo, za predmetnu nabavku, sa konačnom cijenom ponude u ukupnom iznosu od 33.900,00 KM bez PDV-a.

Odluka o izboru najpovoljnijeg ponuđača za javnu nabavku roba broj: 07-11-16-51-18/20 donešena je 17.06.2020. godine kojom je odabrana najbolje ocijenjena ponuda ponuđača Nexis d.o.o Sarajevo.

Dana 24.06.2020. godine uložena je žalba od strane drugorangiranog ponuđača Kamer Commerce d.o.o na Odluku o izboru najpovoljnijeg ponuđača za javnu nabavku roba broj: 07-11-16-51-18/20 od 17.06.2020. godine.

Federalni zavod za geologiju je 01.09.2020. godine zaprimio Rješenje broj: JN2-03-07-1-1595-8/20 od 27.08.2020. godine Ureda za razmatranje žalbi Filijala/ Podružnica Mostar, kojim se žalba odbija kao neosnovana.


Izabrani ponuđač Nexis d.o.o Sarajevo je u Federalni zavod za geologiju dostavio akt pod nazivom: Istek validnosti ponude br 066/20 kojim odustaje od daljnjeg sudjelovanja u postupku zbog isteka validnosti ponude od 90 dana.

S obzirom da je pomenutim Rješenjem ureda za žalbe postupak javne nabavke nastavljen Federalni zavod za geologiju odlučuje kao u dispozitivu.

Iz navedenih razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđačima koji su učestvovali u postupku javne nabavke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet (5) dana računajući od dana kada su ponuđači primili ovu odluku. Žalba se izjavljuje ugovornom organu - Federalnom zavodu za geologiju u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



Po ovlaštenju direktora

Dr. Bernd Skopljak dipl. ing.geologije

Dostaviti:

- Ponuđaču : „Nexis“ d.o.o Sarajevo
- Ponuđaču: „Kamer Commerce“ d.o.o Sarajevo
- web: [www. Fzzg.gov.ba](http://www.Fzzg.gov.ba)
- a/a.